

空同集



空同集卷第二十九

七言律詩七十首

赴郊觀宿

城邊水色靜春茅苑外鶯啼拂露梢萬戶烟花臨複
道九天宮殿鎖南郊霓旌夜發清溪繞彩仗晨飛碧
樹交身到釣天渾不解坐聞仙樂下雲旂

曉詣西壇候駕

萬宇沉沉曉漏催九關魚鑰遲明開闐闐鼓角空中
起片片爐烟霧裏來氣結龍文隨御幄風傳虎旅發

北郡李夢陽撰



仙臺叨從百辟觀周典不向秋風數漢才

西壇候 駕即事

太歲宮高接禁墻先農大纛兩相望陰陰背日朱旗
閃黯黯參天翠柏長別殿爐烟清幄次虛壇草色淨
琴張祠官指點躬耕地田畷行瞻袞鉞光

扈從耕藉

天行近野圍龍蓋萬姓環門識袞袍竟畝難寬鄉相
力藉耕無乃聖躬勞侵壇碧草茸茸起去殿紅雲冉
冉高已忝賜筵思報述即陳潘賦愧詞曹

桂殿

桂殿芝房曙色通垂垂苑柳綠烟中桑乾斜映千門
月碣石長吹萬里風已有金吾嚴御陌遙傳玉輅下
齋宮侍臣鵠立松陰裏時倚紅雲望碧空

謁陵

本朝陵墓傍居庸聞說先皇駐六龍一自玉輿回朔
漠遂令金殿鎖秋峰明裡袞職雖多預備物祠官豈
盡供報祀獨知今上切每於霜露見愁容

秋懷八首

龍池放舶他年事坐對南山憶往時紫閣峰如欺太
白昆吾山自繞皇陂雙洲菡萏秋堪落亂水蕪葭晚

更悲谷口子真今得否攀雲騎馬任吾之

慶陽亦是先王地城對東山不窰墳白豹寨頭惟皎
月野孤川北盡黃雲天清障塞收禾黍日落谿山散
馬群回首可憐鼙鼓急幾時重起郭將軍

宣宗玉殿空山裏野寺霜黃鎖碧梧不見虎賁移大
內尚聞龍舸戲西湖芙蓉斷絕秋江冷環珮淒涼夜
月孤辛苦調羹三相國十年垂拱一愁無

苑西遼后洗粧樓檻外芳湖靜不流亂世君臣那在
眼異時松柏自深愁雕闌玉柱留天女錦石秋花隱
御舟萬古中華還此地我皇親為掃神州

胡奴本意慕華風將校和戎反劇戎遂使至尊臨使
殿坐憂兵甲不還宮調和幸賴惟三老閱實今看有
數公聞道健兒多戰死暮雲羌笛滿雲中

大同宣府羽書同莫道居庸設險功安得昔時白馬
將橫行早破黑山戎書生誤國空談裏祿食驚心旅
病中女直外連憂不細急將兵馬備遼東

曾為轉餉趨榆塞尚憶悲秋淚滿衣沙白凍霜月皎
皎城孤哀笛鴈飛飛運籌前後無功伐推轂分明有
是非西國壯丁輸輓盡近邊烟火至今稀

崑崙北極轉天河獨馬年時向此過渥洼西望迷龍

種突厥南侵牧橐駝黃花古驛風沙起白雪陰山金
鼓多况是固原新戰鬪居人指點說干戈

雪後朝天宮

馬上城中見雪山白雲蒼霧滿燕關蓬萊只尺無人
到松柏黃昏有鶴還當日翠華游物外百年金殿鎖
人間浮塵擾擾江湖遠悵望巖棲不可攀

新秋見月

憶在黃河草堂靜坐臨秋月孤娟娟水門蕭條向蘆
葦石瀨逶迤回舸船頻干祿食去多阻遠望江湖情
可憐傳語魚龍莫浪喜抱珠今夜且須眠

春晴憶湖上

湖上晴烟積雪春柳條湖水接芳新林鶯恰恰稀逢
侶岸日暉暉低向人汀芷渚蘭暄自碧浴鳥飛鷺晚
相親弄移白日思漁舸嘯倚青雲愧此身

晚晴郊望

早時鳴雨晚細微忽有返照來荆扉山禽水禽交止
語桃花梨花相逐飛村村柳條弱欲斷家家麥苗青
不稀睡起登樓時極日出雲歸岫願何違

郊行

二月梁園獨未歸岸花汀柳各依依且將弱縷牽行

騎莫厭繁香點客衣蝶暖蜂暄從自得鳥黃沙白為
誰飛平生漫有憐芳興未老能令萬事稀

河發登望

七月七日河水發康王城邊秋可憐買魚沽酒此村
口打鼓鳴鑼何處船白晝蛟龍時一鬪中流日月晚
雙懸紛紛估客休回首漁子清歌會渺然

時景

梁苑桃花寒復開塞門霜雪鴈飛迴天涯涕淚秋偏
墮歲暮陰陽老更催無病過年遊五岳不眠終夜望
三台歸鴻漸木終非地濁浪滔天首重回

見雲雷垂垂不雨悵然有作

大梁城東雲出雷挾風拖雨故徘徊黃鸝_鹿坐樹深無
語紫燕銜泥阻未迴即恐孝娥為早塚不聞神女傍
陽臺火雲西日垂垂暮屋隙愁看返照來

聞旁郡雷雨

尉氏陳留雷雨深大梁猶繫望霓心當堦蝼蟻亦愁
思對面班鳩空好音河朔樓臺安避暑塞垣金鼓助
沾襟江籬憔悴黃塵滿寂寞魚龍何處吟

盜賊

勅書新調蜀襄兵漢北關南寇未輕密邇千斤竹查

嶺不聞滿四石頭城秦州即易通王貢棧道終難拔
漢旌安得較如曹相國務農休甲賀昇平
竹查山劉
千斤叛地
也滿四成
化間叛賊

喜雨命酌

毒熱兀兀滯梁城不眠聽雨到天明沙田易涸應全
賴稂莠雖鋤却更生年稔不須防盜賊家貧兼得免
經營紛披檻竹迎余笑遮莫尊醪起自傾

晚晴步園

覽霽羣芳媚小園步林斜日淨幽軒歸雲過雨時
濕並葉牽風對直翻幸有桑麻供暮景苦聞豺虎徧

中原天開霞石熒熒晚瓦雀林鴉各自喧

正德辛未四月十七日簡書始至於時久旱

甘澍隨獲漫爾寫興

苦蒸卓午汗交頤昏暝雨飛如颺絲舟楫自茲香將
去波濤滿意復何疑壘書况屬臨門日江漢須看放
舸時肯信吾遊兼吏隱五峰彭蠡是襟期

旅泊雨夕聞鴈

季秋鄱岸陰陰雨殘葦折荷翻白濤此夜孤舟聞鴈
語隔雲何處認風毛隨陽影慣湖波險避弋心驚塞
角高南去北來同一旅世情人事莫蕭騷

日照

日照江煙翠欲重夢迴沙觀始鳴鐘浪於洪郡思洪
子豈合松門有赤松萬事寸心徒計較兩間衰髮直
從容靜來陟覺忘言好把酒看花意每濃

山在新
建縣

洪都以洪
匡名松門

杪夏急雨江州

急雨吞江倒石根吐雲匡岳近城門驚雷不下雙蛟
鬪孤電能開九疊昏白晝黃濤翻庾閣蒼崖翠木溜
陶村乘時詫有扶搖力六月東南見化鯤

繁臺春集

小徑緣臺春自花重堤飛閣盡雲沙能將白髮隨
輦柰有清壺遣歲華斷塔草垣增閒寂古城芳岸起
歌斜忽驚旅鴈思北海色邊愁入暮笳

就居避隘般移之日雨乎適至厥時久燥

土市子東曹門西衡門之下聊栖栖古堂踈豁還高
榻故國行藏有杖藜已多佳樹琴書靜復值炎天雷
雨低幡幡麥秀真堪喜阮籍途窮未足啼

出郊

簡懶經秋此出郊野煙霜日靜衡茅林挑葉盡青猶
實陂麥苗齊綠自苞堤曲獵狐穿雪窟塔巔彈鶴落

風巢随心樂事非難取舉眼平生覺易拋

探春

老去探春每怕逢酒朋棋伴日相追無心柳絮當人
起有意桃花背馬隨臺榭草蒿離亂後往來絃管古
今悲幽崖尚慮殘梅在玉笛丁寧莫放吹

野園

春來無雨風常顛野園諸花更可憐輕車快馬此何
日弄藥攀條看遠天撲酒遊絲低細細近人閑蝶過
娟娟真知白日繩堪繫莫使孤城入暮煙

冬歸繁臺別業漫興

莽壙孤城此卜居宋臺梁苑獨行予虛名馬愧千金
及白首螢憐萬卷餘踏麥遽堪寒葉翠看梅無那臘
花舒相逢莫漫嗔吾放野醉郊吟盡可書

雪日繁臺院閣酒集

臘朝廷向雪邊開倚閣風從萬里回枯樹故當看處
濕飛花偏墮掌中杯山河文物他年賦今古衣冠異
地材舉目蕭蕭改天色玉梯扶醉更登臺

雪後上方寺集

雪罷園林出碧梧上方樓殿靜虛無日臨壙地冰先
落雲破中天塔自孤爛熳此堂人醉散一雙何處鶴

來呼邀留更待松門月今夜同君坐玉壺

歲暮五首

萬木蕭蕭俱歲暮疎梅修竹可憐風三河晴雪飛鴻
裏四海孤城返照中白首園林惟閨寂紫塵車馬自
開通誰堪物序驚前事况復馮高數廢宮

臨除絃管益紛紛考鼓撞鐘處處聞蜀錦越羅連夜
製綵蛾花勝逼年分流傳自是豪華地悵望能堪日
暮雲澤草芊芊已新色鴈南猶起北風群

堂北融泥雲氣生堂南枯樹兩禽鳴冰霜眼過風須
薄歲月心懸老自驚辭臘酒憐比舍餽迎春花欲上
階明壯圖迴首今遲暮點檢塵埃笑拂纓

嘆徃嗟來祇自癡未衰那即髯如絲同朝鸕鷀鷺雲霄
隔故國松楸道路疑園草喚愁偏勃勃檻梅偷臘故
垂垂端居寂寞無雙蒂強食栖遲有一枝

歲當癸酉廬山曲冬盡扁舟記獨棲湖海合冰龍晝
立谿林壓雪虎時啼陰陽晴晦雙過鳥南北行藏一
杖藜今日中原對河嶽暮雲回首楚江西

春暮丁丑五年作

歲歲花時出醉歸傷心今日復芳菲善開朱杏非雙
蒂懶轉黃鸝只自飛海內詩朋官罷減城中酒伴病

來稀庭枝爛熳催春暮日午風香獨倚扉

夜風堂前冬青架仆折其二榦曉雪驟至

冬青手植年直久冷日寒姿頗映堂追海木闌晴未
補忍教風榦夜俱傷亂階朱實離離靜仆雪青條舊
舊長翹首尚雲憶松柏後凋溪壑轉蒼蒼

戊寅早春上方寺

地閣城空春自幽青松黑塔雲常浮入門鈴磬忽一
發暇日臺池聊共游連錢沓來誰氏騎白玉競浴何
年鷗醉筆要知吾湯興明朝休用碧紗留

無題戲效李義山體

曾倚清酣奏綵毫象牀冰簟玉樓高徐娘老去風情
在班女愁來賦興豪秦柳日斜傷渭曲楚蘭春暮怨
相臯仙根寂寞崑崙遠浪說人間有碧桃

蔣植甫畢風雪遽至漫爾有作

草樹新培置藥闌醉吟閒凭足心寬豈虞晨雪娟娟
布無那春枝颭颭寒猶有一花當坐媚幸留雙拍與
人看日晴紅綠應全勝為勸先生且放餐

為園

平生走馬呼鷹地白首為園學種瓜碧草故要安石
屐青天常滿邵雍車園闌換土心真苦繞菊依松徑

不斜昨遇日晴間自步別蹊桃李又風花

晚秋明遠樓宴集

斜日層城合暮烟新晴高閣敞秋筵衣冠四海追游
地霜露中原感慨年去鳥來鴻凭檻外飛雲落木把
杯前回身忽在星辰上醉眼真疑到九天

新年作次喻監察韻

新年雨雪亦太恁十日中無一日晴豈應雷電除夜
作復爾天鼓東南鳴諸軍幸禱蓮池穴大將宜堅細
柳營幾欲臨風撫長劍白頭還自笑書生

甲申元日試筆柬友

八生五十驚衰醜五十從今又數三老漫更何防
虎少狂曾亦濫朝驂鸞鷺舊侶俱鳴珮鹿豕深山白
結庵短髮不須憂重白吾居元傍菊花潭

九日詣東庄遇水則舟之同黃子符李二生

出門萬水吟風葉挈友重陽上野舟數月雨陰今白
日一身天地此清秋逐時庄菊花初放應節村杯酒
暫酬晚暮更催雙棹返汴州誰信有滄洲

正月大雨雪遣懷

梁園春初雲不開雪花壓城滾滾來似有驅龍朝玉
闕豈無騎鶴下瑤臺光牽五色黃煙動勢擁三河白

浪迴欲向瓊樓問寒暖袁安久已卧蒿萊

陶君誇其分司桃花獨樹予往觀之次其韻
老懶今來特為花花竒親見主人誇入門風片時時
墜近酒春枝故故斜湖海一尊憐舊侶乾坤雙鬢愧
年華明朝許赴柴門約共醉東園萬樹霞

同賦

曹嘉

獨樹紅桃太放花主人折贈衆賓誇當筵雨萼晴
猶濕倚檻風枝午更斜賸有琴書分秀色豈容蜂
蝶亂芳華英朋海內如君少擬報瓊瑤醉紫霞

和君席上海棠賞之二首

花不厭頻折紅攀綠總怡神孤枝解動雙樽
余能回四座春誰造物華成歲色自多人世有
閒身年來斷酒因脾濕為爾還應暫入唇

餅中海棠亦太劇細小翠擁胭脂深穠姿故薰欲醉
眼芳信暗傳嘗苦心偶逢一枝已自惜若臨全樹更
須吟花時不道天無意日常橫半日陰

座上看花歸見庭中海棠落英與客同賦

三日野花風打稀朝游酒伴暮醒歸臨門天桃不汝
惜當院海棠胡自飛已憐錦繡半鋪地更訝芳香時
點衣便應與君酌明月醉眼天地生光輝

春日過黃公新堂

黃家新堂逼春起紫燕尋巢時自來久陰烟雲眼底
豁乍晴河嶽牕中開物情野色且幽寂日先人意能
徘徊持杯布席就芳草醉深同卧林邊苔

夏日

稍喜夏來天日晴遽看諸物盡生成累累杏實摺高
蟻赤赤榴花坐小鶯晝夜寒暄猶混雜乾坤清濁因
分明留賓酒茗吾能供春筍滿林今更生

陶公過曹濮分司見叢菊蔓草中移之自隨
有詩傷之豈以為家物邪予覽而和之

野芳抱自知好吟公子發秋悲春風世路元桃
李霜露御關有髮絲三嗅草萊行復立數株車馬載
還隨東籬可謂君家物竹帛勲名晚節垂

正月四日始出赴黃子之宴南鄰何儀賓以
美醪助杯即席口占

杜門常日追游少新歲初筵獨詣君幸有鄰家能過
酒况多賓客善論文樓臺霽日斜令雪竹樹和烟暮
閣雲入夜不歸雙燭秉近尊猶喜落梅芬

陶王二君來賞牡丹

同城何苦不同懽况復春風到牡丹香滿正宜携酒

問色深番奈近燈看綵雲紅霧晴長擁澹月微霜夜
故寒任使群芳妬傾國古今須讓百花冠

冬日學司偶見庭菊

凍雨晴霜爾自開偶逢私恨過秋來違時只為含中
色入藥終須顯上才已許數花卷袖采能分一本向
籬栽冬巡若憶重看約莫使文輶觸雪迴

秋日東庄宴集

郊園秋晚只風林冠蓋群遊是盍簪楓葉一尊朝映
日菊叢淹坐暮橫陰霞故引旌旗色鳥雀應疑蕭
笛吟月底金鞍散歸馬野雲回首少微深

同賦

曹嘉

菊釀新開承露盤浹郊出賞盡銀鞍風林一葉地
逾靜塞鴈雙飛天自寬亭榭傍雲秋動色旌旗夾
水畫生寒南州榻宴名今古未信風流勝此懽

二月望留雲閣雨集

今年花朝花爛開春風細雨臨高臺繞闌紅濕舞英
重隔牕黃閃流鶯迴連日霰霰地已足薄暮風雲天
更來眼看萬物歛空色爾我胡惜黃金杯

海棠爛然要諸君子賞之分韻得壺字二首

繞樹巡簷興恨孤緜紅繁綠似渠無童知小徑晨先

掃客有高軒夜特呼已拚落英欺舞袖更堪歌鳥勸
 提壺幸能老去花常健遮莫尊前醉共扶
 春深花樹爛模糊花下朋遊酒一壺帽側故拳輕朵
 挿席安仍取積英鋪日烘擾擾蜂能趁煙動關關鳥
 更呼客散獨燒高燭照老來真自笑狂夫

雨中海棠

憐花常欲報花安醉眼冥冥雨自看
 朶朶臙脂深更濕杯杯竹葉滿須乾
 等閒細片休輕落率爾春風且恁寒
 朝為行雲暮仍雨凌波獨立汝應難

良嶽

宋家行殿此山頭千載來人水一丘
 到眼黃蒿元玉砌傷心錦纜有漁舟
 金繒社稷和戎日花石君臣棄國秋
 漫倚南雲望南土古今龍戰是中州

空同集卷第二十九

空同集卷第三十

北郡李夢陽撰

七言律詩七十首

潼關

咸東天險設重關
閃日旌旗虎豹閒
隘地黃河吞渭水
炎天白雪壓秦山
舊京想像千官入
餘恨逡巡六國還
滿眼非無棄繻者
寄言軍吏莫嗔顏

題雲臺觀

雲臺觀枕玉泉
湄翠削三峰
對不移
牕裏山光時隱見
晚來雲氣壁淋漓
醮辰絳節朝群帝
天路金童引

鳳螭頭白掃門憐弟子斲松石礮白苓滋

榆林城

旌干孌孌動城隅十萬連營祇為胡不見坐銷青海
箭盡言能挽繡螭弧白金獸錦非難錫鐵券貂璫莫
浪圖昨夜照天傳砲火過河新駐五單于

出塞

黃河白草莽蕭蕭青海銀州殺氣遙關塞豈無秦日
月將軍獨數漢嫖姚往來飲馬時尋窟弓箭行人日
在腰晨發靈州更西望賀蘭千嶂果雲霄

武昌

武昌城北大江流沱水夾城鸚鵡洲楚蜀帆檣風欲
趁蛟龍濤浪暮堪愁青烟自沒漢陽郭新月故懸黃
鶴樓無限往來傷赤壁三分輕重本荊州

江行

江行日日隨風雨日日迎風帆不懸頗恠蛟龍懼出
沒更兼鷗鷺劇連翩總聞浙浙琴書濕岸轉冥宜行
纜牽迴合萬山心目破撇漩誰忍向湖烟

泛湖

匡廬彭蠡曲相連伐鼓蠻歌趁進船屏見雲橫石壁
淨鏡開日破浪花圓漁樵山澤堪時給盜賊干戈枉

自纏遣帥已添新節制指揮行見掃風烟

南溪秋泛三首

聞說南溪徑尺魚漁人何事網常虛魚行碧葦深先
見網入寒潭迥不舒東舍刈禾搖夕浦西隣決水溜
秋渠平生肉食憂空切此日臨淵意有餘

乍見鷗鷁立釣磯還驚翡翠掠波飛江葭晚宿濛濛
霧野竹晴含宛宛暉謝傳未忘舟楫興楚臣空戀芰
荷衣蒼茫水落雲泥靜悵望林翁却自歸

却向林亭觀水磴暫移沙舸躡雲堆奔湍迅轂元相
款石竇桐標故不摧旋影動搖波底斷聲吹轉地

中雷何人解識微心事後世徒矜造化才

遊西山歸呈熊卓

高閣開襟生遠興西山當眼更分明酒邊花樹三春
暗湖上風林盡日清憶昨竝穿巖洞入只今疑繞薜
蘿行浮生擾擾非吾意去鳥悠悠空世情

出輝縣城望石門山其上有仙潭玉鯉

明星欲落開縣城千峰萬峰初雪晴源泉亂石涓涓
溢削壁孤雲裊裊生估客深穿猛虎窟樵夫習傍翠
巖行仙門屹立三潭水玉鯉空懸一線情

盤山道中作

碣道晴雲雪草春石門丹壁闢嶙峋聞雷不羨蛟龍
起避地番將虎豹隣少室山人虛索價壺關三老實
藏珍烟花白日經行處鴻鴈宜宜嘆此身

遊上方寺晚登鐘樓

東北叢林冠此都地分清寂聚僧徒青天寶塔還今
古赤日珠光乍有無草徑鷺乾時獨立松林鶴並晚
相呼登樓更見河流急嘆世因悲馬負圖

王孟寺北望

在鄆城縣南

暑路塵沙淹客心晚原臺榭慰登臨西山日抱
落汝水雲移盡棟陰盜賊兩河猶轉戰朝廷

輕侵懷片欲獻江湖遠北望徒傷北極深

賢隱寺

在信陽州

谷寺鳴鐘午未深耽幽特與伴相尋行穿樹杪樓臺
見坐傍山腰紫翠沉獨響澗泉傳石竇並飛梁燕入
松陰徘徊自笑三江客佇望誰知萬里心

開元寺

讀書臺倚鶴鳴峰迴合千山翠萬重白晝懸泉喧霹
靂清秋雙劍削芙蓉撐持古寺還雲關寂寞前朝自
暮鐘瑤草石壇應不死興來真欲跨飛龍

瀑壑晚坐

醉踏匡山晚未遲
翠巖丹壑凜秋姿
峰高瀑布天齊落
峽靜星河夜倒垂
遠害欲尋麋鹿伴
暫羈終與世人辭
磨崖徧剔蒼苔讀
獨坐雲松有所思

五面石

東華山六五面石削成
五面何嶙峋
崩崖鼠齧何代
雪陰洞苔滋千古
春映日閃閃上雲氣
步天渺渺昇仙真
草木食亦吾志
放浪胡為羈此身

東華山贈友

午時叱馭踰重險
薄暮捫蘿到絕巔
四海風煙落日外
萬山閩越酒杯前
劇傷巖谷旌旗滿
暗憶家園道路偏
自古有人同戮力
吾曹酒以擬太平年

龜峰寺

弋陽縣南山下寺三十二峰
羅列竒最愛紫烟生
石鼎絕憐青嶂削
靈芝峭崿哀聲還
人世古往今來自
鬢絲已遣野場維
玉騎合留巖笏
照金卮

別龜峰

石鼎靈芝並峰名

江上龜峰天下稀
挈朋貪賞夜忘歸
冠裳他日思丹壑
車馬平明發翠微
歸路竹蘿徧拂憶
出山雲氣故隨衣
杳然一笑憐踪跡
自不投簪願孰違

鉛山石井

吁嗟此巖太奇古雲牙石乳相往撐碧泉中洞書亦
黯青草倒垂冬尚生即今入海信誰逼祇恠出山常
底清撼促桑柘會欲落倚此可濯慙我纓

鉛山陸趨宿南巖寺

北風越南山木稀關西宦子常念歸遠烟漠漠谷日
暝前路迴迴冬燒微村春水旋疾徐應灘鴈夜驚高
下飛鐘鳴騎合巖寺近松火竹深開石扉

自新喻馬赴新淦方等寺晚飯

雨已忽霽入寺晚飯烏將栖仲夏稻苗特夏
松桂何婁淒流年遠村換物色曠野青天

鼓鼙我我百丈屹在眼策馬欲攀交虎蹄百丈山有范椹山房

快閣登眺

江上冥冥風浪生閣中清眺會儒英野舟冒險只自
度汀鳥避人時一鳴四海登臨吾白髮萬山迴合此
孤城劇談轉切憂時念日暮浮雲况北征

麻姑山

冒險探深雲霧收麻姑山水冠南州潭深自激風雷
黑谷迥誰羣鹿豕游仙女石壇殘欲沒魯公碑版斷
仍留可憐踪跡俱塵土兩瀑雲霄萬古流

題玄壇觀

江行晝靜便清暑水口山竒鎖吉安豈為天生饒恠
石遂令人擬築玄壇潭渦地轉常年黑樓閣崖懸五
月寒風牖把杯聊暫倚海蒸雲起故須看

將至安仁

安仁古岸又河濱細柳濃烟密弄春花發北山翻盜
賊眼昏南國且風塵盤渦浴鷺緣誰喜下瀨雙帆他
自親破浪會看風萬里采薇應許畢閑身

看廬嶽

春時看嶽落星洲夏來看嶽復江州獨行稔負烟霞
伴久住非貪麋鹿遊石室丹書吾異世錦屏雙劍

遮樓登尋擬縱凉天目一葉飄飄江漢流

錦屏雙劍並峰名

楚望望襄中形勢

楚望峰頭望楚雲遙憐紫蓋紫陽君廬荒不斷盤龍
氣碑滅猶存墮淚文地轉江淮浮遠戍水同巴峽塹
軍軍里名冠蓋非吾事願訪鹿門麋鹿群

繁臺雨望和田生

感事逢時恨不稀水城寒食半花飛青郊白馬朝誰
並細雨輕帆晚自歸何計上賓留鳳馭

是時有孝貞太太后之喪

無書北狩挽龍旂

是時帝在宣府

層臺獨上休翹首牢落江

州易濕衣

大梁城東南角樓

城樓占角分孤峻野色生烟合香冥華夏亦為元社
稷古丘曾是宋朝廷直看紫極雲霾壯背觸黃河風
浪腥日暮馮軒益愁思夷門今有少微星

晚過禹廟之臺

暮行群過禹王宮瑟瑟松林靜入風步競石梯秋獨
健眼收沙海月還空聲名北上青驄客潦倒中原白
髮翁杯酒重傷分手地古今踪跡本飛鴻

題黃公東丘草堂

草色通門柳覆牆繞堂新雨足時芳晴郊客過酒
濕春晝人間覺更長拚引滿杯聽鳥嘯願留餘醞待
花香休誇水際蕪山際且醉松傍與竹傍

少林寺

林深谷暝客子入鐘鳴葉落秋山空烟雲細裊石澗
底巒岫亂積松牕中唐碑漢碣蘚字剝虎蹄猿甯羅
燈紅獨坐悠悠息塵想心少室影下月出東

望少林次韻

三十六峰雲氣通何峰寺西何者東林岩霜橫遠亦
靜烟嵐日破重還空千山盡歷暮轉碧一樹不落秋
能紅漸聞鐘聲出香靄得路誰憐馬僕功

宿少林次韻

萬山微暝一鐘鳴古寺深秋倦客情僧本折蘆菴面
壁人非騎鶴故吹笙寒催亂木風交響白動虛巖月
自生慚愧勞勞不成寐丁丁臥聽早樵聲

暑日過雪臺子園庄

蟬聲樹色村村似一坐君亭日每斜靜裏柴門惟燕
雀老來樽酒是桑麻年豐鄰里家家麥時至園林處
處花苦熱只今憂赤土幾時龍起沛天涯

寺前秋泛限韻

照孤城落木中畫船秋水坐來空影涵樓閣人言

過香引薰葭路轉通雲氣襲樽温復冷笛聲將拖北
還東不須預問天邊月波上餘霞閃閃紅

同賦

曹嘉

湖上晴遊即鏡中輕烟淡靄靜浮空岸迴舟自蕩
葭入塔迥雲從殿閣通鷺吹魚龍時出沒傍筵鷗
鷺晚西東迴橈更泛桃花水不辨秋林返照紅
立夏後晴遊我庄

郊出不知昨夜雨日高烟翠濕空林楊花欲盡村村
雪梅子先傳樹樹金笑向市城開俗眼喜從園野見
吾心繞亭奚啻千千竹夏日黃鸝更好音

徐將軍園亭

將軍別墅今停馬五月塘池蓮半紅舉眼江山惟赤
日快人樓閣自涼風穿林竹翠沾衣滿布席葵香撲
酒空平世主人虛抱武醉來誇挽六鈞弓

清明下糧廳題杏花

清明著處花爭發一樹庭前爾獨遲不為炎天能結
實豈應官署許生枝桃蹊李徑雖多寵撲酒飛簾自
一時已辦青錢貪醕酤合教紅蕾赴深期

柑至

丹橘黃柑世所珍年年隨貢走風塵內廷賜出人人

羨近市收來顆顆勻翻訝久藏香不逸迥疑初摘蒂
猶新金盤玉箸真誰事寂寞文園自病身

菊

世上虛名白髮悲霜前幽壑迥春姿閑巡獨樹真憐
汝醉折寒花欲贈誰官舍野堂渾一色冷風淒露漫
相欺高年漸覺馨香遠萬里徒傷酒一卮

牡丹盛開羣友來看

吾家何處牡丹園楊子岡西古宋原忽有芳菲妍岸
閣豈期車馬駐江村憐香實怕青蘿掩在野虛秋蔓
草繁碧草春風筵席罷何人道有國花存

冬至菊

至日貪看九日花，弄霜吞雪轉宜誇。思將正色留天地，肯使陰陽管歲華。寒帶已包重放萼，暖根應抱更生芽。書雲莫誤禎祥奏，斗酒東籬自有家。

王左史宅賞冬菊

菊筵元向春前約，共憶霜黃薄。牡丹冬日此逢香，欲暖夜堂偏醉色。終寒閑居四海嗟，吾賞晚歲三杯稱。爾官踈影獨枝看，轉劇好添華燭近高闌。

乙亥春郊圃壯行盛開，幸予離茲，倏爾四載。實兄蔣藝成功，約客往賞，屬雨發詠焉。

牡丹一種無多本，別久叢分鬱映杯。穠劇祇宜鴿鳥戲，品增疑傍棣花開。支離野圃群葩掩，杳裊春庭細雨來。高會主賓忻並健，衝泥車馬莫空回。

人有送牡丹花至者，與客同賦

大梁城郭萬人家，大半朱門競此花。不為國姿寧用折，翫傳賓手轉須嗟。雙牽戲蝶臨書牖，獨惹遊絲撲釣槎。我亦有園新植此，往來無倦出城車。

牡丹賞歸東邊王二子

非因絕代專芳品，豈復郊園守後時。夜靜雨姿應更劇，野寒風蓋莫頻吹。空齋獨憶香仍滿，晴日重尋路

不遲肯擬飛觴留健筆願板驄馬護高枝

霖淫想郊園牡丹

園途兩寧花遙阻倚杖流雲灑北郊縱使彩烟偏國
本豈逾清露足春梢卷心暗益須時苦綠濕紅沾任
俗拋傳道魏緋纍滿眼傍株今可結遊庖

郊園餞御史許君屬牡丹盛開

曠圃風郊爾獨開國香仙色敢辭猜若先桃李名應
減縱隔城池客自來穠壓野欄張燕待餞臨官路挽
驄陪萬鬚千萼非容易心遣臺霜近酒杯

看牡丹晚移平堂再贈許君

移花酒並移几銜牕月轉春姿情真解纜爭侵
夜意不憐香豈盡卮洶洶野風誼樹惱冥冥波浪去
途疑亦知仙種貪行豸醉聽鄰雞是別期

王左史宅賞牡丹

槐庭絃管稱春筵草圃繁華近暮天老為名花板自
放醉逢國色轉須憐娟娟影靜金尊裏冉冉香回玉
笛前莫問平章舊時宅沉香亭已入荒烟

郊園牡丹復花客往

問主尋芳客故來百花開盡此花開凄涼野徑堪車
馬瀾熲天香只草萊穿葉自由蜂逐逐坐枝頻起燕

迴迴揚花暮合風沙迥繞樹猶傾醉後杯

夏日盆荷階葵芬敷率爾成句

候及名叢每自芳物華清暑倍年光出波翠蓋枝
靜入院丹心朶朶香向日豈期回俗眼折筒聊得洗
詩腸不應種近榴花奪繞檻巡池淚數行

山行見梅

長至山行梅不遲攀條觸雨益垂垂
暗野橋真獨見歲寒蜂蝶敢相欺
時心已抱調羹實久色難銷傲
雪姿愁在不綠鄉國亂白頭心事本同期

谷園二月梅集

江南梅花苦繁劇江北有梅花不肥
春枝已矜雪後媚玉蕊卽妨風處
稀金尊綺席不時賞快馬輕車堪
夜歸遙憶暗香月色動莫令遽掩東園扉

梅下限韻作

聞說仙芳每避凡託根長傍竹松巖
那期野圃深隨酒可柰風花細撲衫
斜日席移春欲透步叢香起雪猶銜
歲寒朋舊今何處徒倚裁書手自緘

賞歸憶谷園梅

臨梅真惜先開蕊後蕊吾歸應更繁
藉草無愁細細落有蜂只恐垂垂翻
折曾爛熳春携袖醉記扶踈月

坐園已覺時心向桃李肯緣孤潔重迴軒

詠蟬

秋來雨多涼氣深寂寞寒蟬愁暮陰幸值開晴方聽
汝不緣清切轉關心故逾叢棘沾沾入却傍高槐細
細吟曹賦僅能推感激駱詩徒亦擬同音

和清明後見燕

坐棟穿簾爾亦驚紛紛紅紫徧春城群衝海霧寒應
阻對語堂花暖却明去住溪山他日夢主賓天地世
人情卽論遲暮心難已切恐差池恨轉生

秋日觀白雲生率爾遣興

天際遊雲白裊裊渭陽羈客淚縱橫搏風弄雨有誰
見木落秋高堪自行變幻樓臺番有態突然龍豹轉
須驚老夫趁此欲登望恠爾輕遮翡翠城

和李大隔牆見予家海棠次其韻

種汝深愁樹不長數年今遽出吾牆臨衢幸不矜全
色隔院應難掩暗香敢向紛紛爭俗眼私憐裊裊塵
時粧臙脂強半喧蜂少倘過同傾花下觴

同雙溪方伯詠石几

栗栗天生白石几癯癯日伴白頭翁清尊淹留不斷
客灌木陰森常自風看處遽浮金玉色移來深仗鬼

神功茲須小物君堪醉取致嵩山萬翠中

石几再賦

確然片石我之几置之堂邊樓在東葱芊海棠上重
綠絢爛盆榴旁小紅性含烟霞不減色光敵王金常
吐虹老夫有時醉凭汝扣之高歌天暮風

詠陶臺使蘭陽公解五色葵花

炎天小縣葵花好五色空庭日日香開正得時先讓
赤見宜尊禮莫欺黃交枝接葉誰為衆異蕊同心自
向陽此物煩君獻天子上林閒地草蒼茫

詠餅中柏限韻

愛汝側葉寒能青挿之銅餅依石屏晝屯雲氣果不
俗夜飛光芒疑有靈森聳似學鸞鳳翼屈曲已具虬
龍形更欲移栽萬仞嶺待與松桂凌冥冥

為崔後渠詠筭竹亭

崔家孤亭萬竹裏繞牕栗栗青琅玕結實當春鳳不
餒託根有地龍且蟠霜風飄蕭起空谷美人翠袖生
暮寒彼淇盈盈一水隔望而不見徒自嘆

空同集卷第三十

空同集卷第三十一

北郡李夢陽撰

七言律詩七十首

郊齋逢人日有懷邊何二子

今日今年風日動苑邊
新柳弱垂垂齋居寂寞難乘
興獨立蒼茫有所思
谷暖遷鶯希太早雲長旅鴈故
多遲鳳池仙客容臺彥
兩處傷春爾爲誰

夏日過序公

炎天樓殿蔭空扉
永晝雲林孤鳥飛
病起出門風色異
獨來清坐老僧依
撲簾花片疑紅雪
解帶藤蘿映

紫衣萬事回頭誰得問但逢心賞莫教違

過馬陟次毛庶子韻

冉冉輕雷止復行鳳池清夏半陰晴漸看西日籠花
氣誰放南風作雨聲融入塹沙將拂燕窩侵宮柳益
霑鶯晚來一赴薇郎約匹馬衝泥遠興生

章氏芳園餞朱應登

細雨林塘花可憐况有美酒斗十千見日玄蟬元
嘒含風綠篠自娟娟朝廷豈料更新主塵世難逢感
昔年縱倒芳尊不成醉別懷憂緒兩凄然

訪何職方新居二首

去年聞汝在郴州對酒時常使我憂無客解題鸚鵡武
賦同誰出入鳳凰樓瀟湘夢澤今虛遠易水燕山不
斷遊舊雨休嗟車馬伴卜鄰先近李膺舟

二

街北小堂卜築深離離竹檻稱幽吟不爭鷓鴣嫌鄰
舍旋置琴尊見客心呼雨乳鳩仍暫止定巢新燕故
相尋曾軒更許消清暑露頂同依嘉樹林

送殷進士病免歸

魯川西流石齒齒川上茅堂千樹林春行不費風雲
詠日暮聊爲梁父吟南瞻岱嶽雲峰峻東訪滄溟烟

霧深司馬豈緣封禪病任公終有羨鰲心

別徐子禎卿得江字

我愛南州徐孺子明璫美璧世無雙
新從北極看南極便自吳江下楚江
日落鷓鴣啼廟口水清斑竹映船窓
禰衡王粲俱黃土千載何人復此邦

追舊寄徐子

憶昔逢君雪滿途遙憐爲客向江湖
看碑定憶羊關府作賦先投楚大夫
日黑魚龍心夢澤草青麋鹿上姑蘇
空揮玉軫思流水不得驂臨一見過都

過李氏荷亭會何子

三伏尋花到習池幽懷真與故人期
出波菡萏晴相並度檻流螢晚故遲
他日宮女游能此地向來開落果由誰
亦知塵世難逢醉且把芳筒當酒卮

酬儲太僕見贈

抱病逢春無那春雪晴雲氣相鮮
新經旬不出惱官長東帶何由朝大賓
豈謂烟霄無勁翮欲從江海訪遺珍
商歌日暮悲風起索處應慙扣角人

荅太僕儲公見贈

淮海先生海鶴姿年來何事髮成絲
安危異日須公等文雅于今是我師
縱有孫陽難遇馬誰言安石但

能基桂枝偃寒空山裏旅病逢春故國思

病間聞何舍人夢故山有感

我逢新歲兼新病君夢故園登故山木杪啼猿行間
訊枕邊流水莫潺湲深春古廟同誰往絕壁孤雲只
自攀悵恨無家傍林谷定應何處卜鄉關

雨中憶張大夫園亭

我愛張家好亭子滿園林竹夏淒淒雪花細雨飄
裏映日輕雷過檻西已拚習池多樂事况逢光祿有
新題朝回會與金蘭約走馬携壺到碧蹊

解官親友携酒來看

嚴城擊鼓天欲曙風起平林纖月長故人開尊且復
飲客子狂歌殊未央卧病一春違報主啼鶯千里
伴還鄉他時若訪漁樵地洛水秦山各淼茫

送王照磨省覲

浮沙晶晶楚王臺苦竹泠泠帝子哀臘月江行鶯語
合早春湘北杏花開貪趨絲服聊輕舫苦憶金門罷
舉杯入幕却起難許並題橋司馬直須迴

寄徐子

徐子南游涉洞庭楚江風浪眼冥冥竭來振玉朝
天子忽漫傳書與客星訪戴難移剡溪棹問奇曾過

子雲亭烟沙水國催春發楊柳愁遠却畫青

寄徐編修縉

題詩傳語玉堂賓想像鳴鞭散紫宸
珮珥門前金駃裏宛如天上石麒麟
徒誇中論流人世實有新詩泣
鬼神密勿願先諧大軸漁樵久已屬閒身

九日寄何舍人仲默

九日無朋花自開登樓獨酌當登臺
孤城落木天邊下萬里浮雲江上來
但遣清尊常不負從教白髮暗相催
梁南楚北無消息塞鴈風高首重回

冬霽宴丘翁林亭

竹亭高宴雪霜殘柏塢移尊月色寬
馴鶴自知迎客舞絕琴今擬向君彈
醉來箕踞仍呼酒老去留賓不着冠
解道宜鴻能萬里肯輸烏鵲一枝安

立春遇雪東孫君二首

乾坤莽莽俱爲客世路悠悠各愴神
海內弟兄稀見面天涯霜雪又逢春
馴階鳥啄猶呼侶破浪龍吟不避人
幾欲開尊向梅柳白眉青眼爲誰顰

二

留滯周南春復春復春路迷何處問
三秦竟非吾土堪垂淚不爲儒冠豈誤身
偷臘檻梅喧媚眼美寒山篠晚

傷神虛傳夜雪能乘興不見山陰鼓柁人

送張訓導棄官為母

蜀道下戈暮角悲水行溪壑轉春姿辭劉徐庶心先
苦迴馭王陽願不遲正月巴山猶碧樹孤舟峽口已
黃鸝并吞割據千年事愁見岷峨有戰旗

早春酬內弟璣

騎馬衝泥到竹扉孤城雪日弄暉暉將飛鴻鴈春相
聚得食魚鰕暖自肥賈誼上書番遠謫桓榮稽古已
多違亦知匡濟諸君事勿羨東臯早拂衣

早春郊園贈別

野陰蒼蒼春不分春堂黯黯惜離群柳條欲折不應
手林花即開誰寄君鴈飛帆檣畏觸雪日蒸山澤恣
成雲杳然携別東園晚綺席玉杯相對曛

生日答李濂秀才

臘前此日梅花劇盞送初筵竹葉新千里共為青眼
客百年余是白頭人清霜麗蕙情休妬醉舞狂歌意
總真忽憶退朝傳粥食遲迴吟望一沾巾

過內弟宅感詠

天漢橋東水竹居明公卜築迥幽虛軍城日月染園
裏戚里山河宋殿餘諸弟冬林供雪筍重闌日饌躍

江魚水清牢落千秋事手澤空嗟萬卷書

積雨鄭左二子晚宴

秋深衆草皆垂實雨久高牆半濕痕百歲榮枯同逆旅二儀風霧自黃昏烏鴉樹滑時窺屋泥濘人稀早閉門便合披蓑邀鄭左任從燒燭倒清尊

送王生還里

華池避俗屯螢火往日談經近鹿場萬里飄零余作客諸生親炙爾升堂昨來見面生春色歲暮還家帶雪霜懷土力微難並進強吟臨路獨淒涼

逢泰公門徒因寄

翹昨午辭帝都散花今日見門徒乘杯老去還能否擊鉢狂來未信無暫止乳鶯元逐燕得時橫隼莫驚烏清沙密竹追隨地腸斷飛虹月色孤

寄華韶州

十年不寄一封書索處常思萬里餘謫宦賈生元獨遠抗言劉向果誰如新符海外勞分虎舊德朝中想佩魚退食昔移青鎖步論文偏過省郎廬

贈鄭庚

文物江東數歛都里傳貞白似君無門前不種鈞衣草堂上常巢返哺烏爲客老年今道路告歸春日復

江湖沙溪酒熟兒孫勸拄杖徐行步綠蒲

北行家兄與內弟王實間行道緩急即如雷
霆之下魂魄並褫矧又如饑渴

吾兄淚眼若懸河內弟尪羸苦更多昏黑同行草莽
裏明星獨傍邑城過荒山葛藟縈初蔓空屋荆花滿
故柯臨路斷腸俱哽咽望歸携手向烟蘿

寄答內弟幾九日繁臺見憶

悵別登臺逢九日雲開水落望長安風急愁聞木葉
下秋清淚滿菊花團臨危始識交親重處世空嗟行
路難一勾塗鱗終放擲九天曰蹄翼待扶搏

喬太常宅夜別

竹梧池館夜偏寒促席行杯漏未闌燕地雪霜連海
嶠漢家鐘鼓動長安吟猿見月移孤樹宿鴈驚人起
別灘二十逢君同躍馬十年回首笑彈冠

別都主事奔喪歸

瑤池不聽鳳凰簫銀漢愁看烏鵲橋海內君親情併
苦天涯書劍路俱遙陰陰朔塞鳴秋葉滾滾寒江急
暮潮君去會應朝北斗余歸終擬伴漁樵

夜別王檢討

露白秋城角夜哀朔雲邊月滿燕臺僊人閣在銀河

上羸女簫從碧落來江葉自隨山葉舞燭花偏傍菊
花開風塵荏苒年華異莫恠臨岐數酒杯

宿江氏

尋山累日山中宿玉港回鑣見爾家世遠樓臺喬木
裏族繁門巷一溪斜深冬野竹猶風葉細雨蒼梅已
凍花惆悵哲人今異代玉峰回首碧岑差

穀日酬鄭屠二省使携酒見訪

殊方穀日軒齊過返照虛牕暖自通短髮異江湖今會
少早春間闔舊遊同越南閩北風烟際岸柳園梅露
雪中時世艱難須共濟此生杯酒任西東

滕閣訪屠子感贈

章門屢出緣尋子滕閣留懽晚不圓雨相落磧洲江漸
細日斜鄉國鴈還來紅巾未信干戈息白髮能禁日
月催千古棟雲簾亦捲西山秋色爲誰開

雨秋友人見過有贈

時芳已後重陽雨搖落深鷺昨夜風鴉雀小亭雲竹
靜蒹葭寒水瀨江東詩名海內逢高適人物吳中有
阿蒙數過淹留非縱酒異鄉搔首各飛蓬

較射畢青雲峰示諸生

射畢孤峰聊獨上繞峰冬樹發孤雲天關遠岫遲遲

見木落寒江細細分，禮樂衣冠先此地。綱常簪組愧斯文，亨衢接武尋常事。孝子忠臣百世芬。

發南浦贈人

大寒米雨何紛紛，曉行日臨江吐雲。得風艤舸故相逐，異港鳧鷗還自群。浦南蓼洲春欲動，岸西雪山晴未分。與君接席向杳靄，吟坐傳杯侵暮曛。

江上逢羅通政

秋乘綵鷁修春服，曉解牙章拜五雲。三十超遷門下省，遲迴瞻戀聖明君。烈風江上年垂暮，把酒旗亭袂忍分。畫錦故山家慶集，堂開鶴髮野梅芬。

清江彭君幽居

齋隔城江色來，僻居春暮徑花開。當門銀杏有千歲，穿葉黃鸝能百迴。南徼雲沙曾杖鉞，北山薇蕨且銜杯。波深五月鮒魚至，獨釣吟行鷗不猜。

題嚴編修東堂新成

城居市遠同村僻，堂構春成屬燕忙。星檻夜凭斜北斗，日牕朝坐影扶桑。問奇頗類揚雄宅，醒酒真輕李相庄。喜即繫舟臨秀浦，恨猶楮笏背鈴岡。

泰和南行羅通政舟送

開船日午君俄至，逆水開尊得並船。貪數岸花杯不

記已衝江雨纜猶牽雲山楚越相逢地劍珮京華始
識年感昔願仍還省閣顧今俱已靜風烟

寄孟御史謫桂林教授

長沙賈誼君仍遠南涉三湘復九疑虎豹深山聊澤
霧蛟龍得雨固須時行藏學閣蒼梧夕鼓角夷城白
髮悲悵望適荆心豈忝飄零極海翅非垂

南康至日送韓訓導赴湖州推官

黯黯寒冬湖水頭遷官別我向湖州吾道百年逢小
至雪江千里屬安流飛騰刑獄官非忝簡拔朝廷意
賢優見說東南力已竭哀矜此外爾何求

仰頭遇友夜泊感贈

丹夜雙燈倚碧灘江雲藹藹覆春湍中年獨覺滄洲
穩直道誰非行路難坐裏旌旗環匯澤花時金鼓發
長安時危故國思芳草懶慢先君得挂冠

龍沙餞胡子還城

春卿送弟返扁舟子孟還城設餞遊樹蔭金沙開錦
席花迎楚鳥勸吟甌平風岸壓鼉鼉窟倒日江明鶴
雀樓古木徐亭偏寂寞醉希凝望水東流

吳育字春卿胡健字

子孟俱宋顯人也

別太華君

自我徘徊襄漢間
秋風倏忽吹襄山
鵝鶻竟日亂洲渚
鴻鴈孤鳴愁草菅
秦路傷心紫芝坼
楚巖回首桂花斑
層城月出歌鐘滿
誰念揚雄獨閉關

贈何君遷太僕少卿

省客新乘卿士車
尋盟特別水雲居
還朝賈誼元前席
去國虞生合著書
貪顧休輕冀野馬
祖行親釣汴

河魚虛疑厄閨春
情晚驛路群花宛
宛舒是年遇閨何有官似

黃楊厄閨年之句

夏日赴監察許君之宴同張監察

霜府池亭夏亦寒
捲簾河嶽火雲殘
筵開冰動琅玕

簞酒半瓜行白玉
盤驀石尋花時徑
往躍魚投餌晚

留懽孰教逃暑陪
驄馬自分清朝老
釣竿

東趙訓導二首趙安邊管將家子讀易人也

安邊坐堡近沙場
白日胡沙慘慘黃
鼓弩汝兄增品

秩操觚吾子獨文
章雙龍一命新朝
闕三鱣諸生已

報堂授易未容輕
管輅撰著端合契
羲皇

二

田園共傍古蕭關
舞鳳城臨斬斷山
連茹實期王貢

上轉蓬俄聚洛河
間風塵落葉頻驚
眼首宿深杯且

破顏宋岳魏臺俱
不沒及秋騎馬肯
同攀

酬和許監察九日對菊之作

風簷落葉隨行步坐近寒花引濁醪
久客重陽還細雨故山他日幾登高
羈心汴館頻牽盡醉眼江門舊送濤
願戢霜威長晚色賸抽英響續遺騷

酬和李子夏日遊天王寺見贈

玉皇諸閣鎖空寥夙昔攀緣客互招
細細嵩雲通佛拱冥冥河氣度僧寮
柏潭路古搖晴荔竹洞城陰掩熱椒
聞爾昨遊吾自阻碧紗誰並照烟霄

喜鄭生至自京師傳崔陸徐何諸人消息

汝從京國傳消息屈指離吾幾換年
當日應劉俱老

健榻來燕趙自風烟陽回草木清
霜後歲暮賓朋醉眼前別業舊臺
携手在野鴻沙鳥日翩翩

繁臺冬日喜鄭生歸集

予從汝去稀過此即使經過亦惘然
乍聚酒杯須落日夕晴臘月有和烟
向陽小草纖纖出傍水浮雲宛宛連
野立舉天昏色起好橫酣眼望三川

正月二日臺卿李公監察毛公袁公枉駕而
顧毛歸有作輒次其韻二首

君子三陽元並進朝廷四海况爲家
冠彈貢氏非吾願星聚荀門敢自誇
走洗玉盤深映竹驕嘶驄馬半

空房集 卷五 詩
銜花綠尊未倒歸須夜臺柏無言已宿鴉

二

吾生五九笑吾涯短圃低牆卽是家酒熟喜當賓客
過詩成慚使世人誇日臨河岳雲俱色春入樓臺樹
自花轉眄不堪天地異得栖無小後啼鴉

和毛監察秋登明遠樓之作

院鎖簾垂白日幽爲誰玉冰興獨登樓地正嵩嶽
出天倒黃河檻外流坐對三鑪烟雲並起醉搖霜
還秋可憐大厦須梁棟未展那知匠氏憂

雪後困酒和王左史

旭日上雪簷過四懸廣文先生猶醉眠牀頭綠樽已交
卧解醒復倒盡裘中錢開門泥濘午活活有客騎馬來
翩翩強起梳頭煨芋栗暖杯寒光仍四筵

東邊子變前韻

繁丘草青春可憐欲往恰值春風顛應門童子不通
客空同先生閑自眠柳長故嬾金色縷梅落盡鋪白
玉錢安得卽遊共爾閣滿引香醪花簇筵

仲春繁臺飲餞醉歸口占呈陳邊二使君

書日起風花欲開過鴻未盡巢燕來看山已嚴陽翟
駕群餞復聚梁王臺苦云離合每不易便醉顛倒何

空同集 卷三十一
嫌猜背閣碧樹故裊裊當年嘆鳥時徘徊不見當年
艮岳盛今日纍纍青草堆

春日過遂平將軍第同李尹

十年不到將軍第一日重來令尹借春色不改延客
閣芳樹盡覆彈琴齋尋香檻蝶娟娟逐競暖池魚宛
宛皆晚步鹿葱驚欲放續遊無吝玉爲牌

限韻贈黃子

禁垣春日紫烟重子昔爲雲我作龍有酒每邀東省
月退朝曾對掖門松十年放逐同梁苑中夜悲歌泣
孝宗老體幸強黃犢健柳吟花醉莫辭從

贈王推官相國之子

青年藉甚王推府得郡吞江拍似據湖楚楚驛驢當道
路英英秋月坐冰壺三槐舊業承非忝駟馬高門望
與俱相國醴筵今更數在邦無憶鯉庭趨

高門堤陳氏別業首集

門堤平野突崔嵬幔屋深林石磴迴盛世行藏吾學
圃異鄉天地此登臺馮軒五月涼風入移席孤城返
照來急管暮催杯更進醉翁非爲酒徘徊

空同集卷第三十二

七言律詩七十首

夏日繁臺院閣贈孫兵部兼懷大復子

北郡李夢陽撰

獨馬孤城送客迴，亂蟬高柳出銜杯。
晴天河嶽今開閣，戰地金元晚上臺。
才自籌邊期獻納，義猶領蓋愧徘徊。
何休門客如君幾，北望天風萬里來。

送楊子還里

曾修書院盱江側，君去懷予試一游。
當日水山應更好，別來松桂幾經秋。
謝詩早向麻源覓，顏帖時從廟

碣收此外何求惟有醉背山合起望泉樓

送張工副

爲官秦邸君西去因憶簡王相遇時池出異蓮要作賦館開修竹坐傳危龍旂寂寞還雲氣鶴馭飄翩祗夢思寄問白頭強相國醴筵吟筆似前隨

夏行人齋 太皇太后哀詔過此以病淹于

郊館僕爲作詩

野館春雲劇暮陰病臣哀詔此經臨君親敢謂三江遠涕淚懸知萬國心風砌獨花堪憤悶雨簷雙燕足清吟邀取每引前星望賴爾兼程布此音

城南新業期王子不至

新園本欲誇王史竟日城南期不來即使屋荒還五柳忍令春暮只孤臺對人芳藥翻翻出近日浮雲細細開已囑甕頭封綠蟻明朝倘許盡餘杯

再期王左史不至

地散官拘此亦希草堂重約忍偏違元期芍藥枝枝賞忽復葵榴片片飛諸客酒停時望旆孤城日落尚留扉人生樂事真能幾野立蒼臺又白衣

繁臺次秦氏韻

一秋今到十賢堂萬事傷心嘆渺茫草綠梁臺猶殿

閣花殘宋苑只宮牆天南星宿元朝斗崖北靈芝本
向陽未老息棲終傍此預愁人擬卧龍岡

送田生省母兄如晉

匹馬遙衝落日微萬山何處是庭闈途紆沁上花應
發春盡并門雪尚飛臨柏乍開荆樹閣傍萱重著老
萊衣馮高試望風雲氣大駕新從此路歸

寄題孫氏茗溪草堂孫是時始有婚事

茗溪之傍何者丘幾時自卜林塘幽已聞寬田足放
鶴曾否餘錢兼買舟狎人鷓鴣元成偶近檻芙蓉故
並頭塵世要留風格在東南聊作醉鄉遊

送毛監察還朝是時皇帝狩于楊河

楚生臨水送將歸黎子當筵賦式微天下汝爲真御
史百年吾是舊漁磯沙寒白日逢科轉風起黃河木
葉稀此去有書應歷上太平天子本垂衣

送李行人還朝

南使樓船漫北迴西巡車駕欲東來星辰再逐千官
入閭闔重臨萬國關寒盡旌旗猶拂雪春新環珮且
沾梅虞絃定有薰風奏佇望陽和徧九陔

逢吉生汴上

汴上相逢俱白頭秦中却憶少時游烟花樓閣春風

日錦繡山河百二州未論聽鶯穿細柳實因走馬出
長楸金尊邂逅今宵月明發仍懸兩地愁

郊園夏集別李沔陽

東門慣種邵平瓜彭澤新成處士家晨起忽嘶花外
馬君來同泛柳邊槎向人齒齒元隨檻哺子鷓鴣各
占沙明發路岐愁把袂秋風江漢有歸艖

李沔陽飲後田鄭二子復集於斯庄望見陂
水驟落衆頗訝之

五馬柴門夜已迴二豪尊酒日重開林乾鳥雀群應
喜水落鳧鷖半不來踈懶合收任氏釣嘯歌真莫說

公臺亦知河朔非凡輩逃暑無辭掌上杯

早春酬張客見贈

周王祈雪罷燈遊楚客思鄉迥獨愁不雨風雲常嫋
嫋入春江漢轉悠悠穠花錦石添霜鬢橫笛短簫悲
絲舟岐路斷腸俱不減予今搔首爲西州

田居嘲答李沔陽

郊園自在君侯車日日觸熱尋吾廬柳長風多祗欲
睡瓜成雨來仍用鋤遠田陰陰立黃鵠新波雙雙跳
白魚即令石水泥五斗豈無五馬愁騎驢

別熊御史出塞

今夕何夕春風微把酒長歌春興違嬌鶯乳燕黯不
語嫩蕊柔條空自稀都門車騎明朝發關下行人三
月歸北望湖沙青草盡祁連山外斷鴻飛

春望東何舍人

城南春望春可憐小苑高樓生暖烟幾家芳草斷腸
處無數落花吹笛邊川原萋萋入暮雨車馬駸駸矜
少年欲向仙郎誇白雪陽春久已絕人傳

贈張舍

孔門諸子接升堂杜甫交遊盡老蒼萬里南歸望秋
月一尊對別逢春陽生兒當如李亞子有父兄作尚

蕭蕭雲鴻天路永樊籬

鷓莫空翔

題環上人精舍

前月到寺萱草香今月到寺葡萄長潢潦盈盈旭日
動樓閣灑灑高雲涼出門每恨市城隔浮世空嗟車
馬忙圓月清秋期重訪即扳留卧替公房

送膠州學職

廣文先生騎馬來膠東膠西花欲開鱸堂蕭蕭帶暮
雨芹池殷殷鳴春雷太山西望真堪仰洙泗東流竟
不迴寥落廟宮多古樹屬君收取棟梁材

送人還洛

十月朝天春始迴洛邦真喜使君來柳條臨路若相
待梅花滿堂渾欲開雪晴幾過回鑾浦日落時登承
露臺九重他日求賢詔不道今無賈傅才

秋日飲王子之第

岩堯玉殿逐秋開迤邐金風觸酒迴賓客百年梁氏
苑河山雙鬢李仙杯露凋梧葉浮龍井月引簫聲出
鳳臺莫羨同舟流逆調須知雅樂是真才

見素林公以詠懷六章見寄觸事敘歌輒成
篇什數亦如之末首專贈林公

南伐經年駕北還麗雲遲日藹燕關花明合殿春開

扇柳引千官曉復班新有越裳供雪雉是年始貢者三國更
聞飛將奪天山務農銷甲從今事飽飯行歌興不慳

二

香含鷄舌曾爲吏日侍龍顏朝退時春色故搖三殿
柳曉風偏放萬年枝鏘鏘劍佩鸞行亂裊裊旌旗鳳
輦移迂謬一麾今廿載半生心事白頭知

三

青天萬仞削芙蓉憶踏匡廬第一峰哀壑暮雲埋虎
豹大江春浪變魚龍天池御筆親留碣石室山僧獨
扣鐘絲筆昔曾霄漢上舊題應被紫苔封

投簪萬里旋舟日暫憩覃園傍峴西潭起漢娥留佩
賦井傳王粲倚樓題林猿浦鴈心常往楚雨襄雲路
不迷縮項一樣具欲釣幾時重訪鹿門棲

四

買園近闢三三徑啓戶遙當六六峰敢向大河誇樂
土且將名嶽寄行蹤風林躍馬狐狸走草澤回舟鴈
鷺衝昨復潁陽開別業傍軒新徙具茨松

五

戎親將龍虎軍南歸甘卽鷺鷗群謝安實費登山

展司馬虛傳諭蜀文釣罷蘭溪宵上月吟成壺嶺書
生雲何時勉爲蒼生起悵望東南五色氛

小至後寄甥嘉推官

隔縣經秋汝面難好音爲郡舅心寬三河鴈起沙先
暮四海陽回雪尚寒萊竹召棠他日事石渠金馬向
來官公餘定有尋幽興莫惜新篇寄我看

河上茅齋成呈家兄

愚弟罷官尤獨喜卜築茅齋傍竹林開牕忽見萬里
色背水堂留十畝陰春來燕子休相賀日暮幽人且
自吟庭下會栽棠棣樹牀頭新製有虞琴

留別李田二秀才

五年梁苑栖遲穩千里南州忽此行海內尚還憂盜賊老夫何用拜簪纓音書陸續為誰寄盞酒留連見我情惆悵暮天雲不盡秋風相憶豫章城

贈鄭羽士

惟爾零丁老鍊師藏珍破屋髮成絲坐看丹竈宵忘寢行折園葵午療饑久雨水淹松樹死塌牆人過廟門疑空傳薦福千金帖今世誰尋少保碑

送蘇文學往主三賢書院

邦侯敦禮聘才賢梁客乘秋詣汝川堂上久懸徐穉

前俄報孝廉船雲山紫邏霜應峻風穴青松晚更妍獨上高丘試回首紫陽白鹿自江烟

鄭生聞予種樹有成便冒雪携酒來看鄭時有江東之行

鄭蔡騎驢雪故來无功行樹及春栽沾濡立愛新松色冷凍回鷺早杏開密片深當紅蕾集寒聲虛帶翠

送蔡子赴省

君從歷下游三輔暫就薇花避柏烏關內久懸馮異望河西早上伏羌圖茶官詭譎時侵馬餉吏奔趨日

備胡生養願今開氣象山河百二本皇都

鐘樓重別熊子

野寺荒臺餞客游江湖城郭暫消憂危簷簷獨趁翩翩
燕細浦雙行宛宛鷗人世舉杯俱勝跡風林長夏有
清秋情來不用重翹首西北浮雲是帝州

閻曹二子發京姪木與之同舟而下有詩紀

之子亦和此篇

共水同舟伴謫居海天春色靜涵虛蠻方故啓流官
路漢史終收痛哭書蜀徼山高常戴雪滇門池苦亦
生魚上林花樹年年在前席行看入禁廬

甥嘉謫官過汴僦舍而居以時炎熱

萬里嚴程此一州問親娛舅爾須留遷人賓客休填
戶甍屋炎蒸幸有樓穿檻筍高猶足采戲池魚美更
何求館甥舊地花仍好得暇頻來看海榴

園庄餞蔡生還江東

來日麥苗歸麥黃炎郊携手暮蒼蒼別筵車馬吾先
醉落日東南江自長檣燕岸花休促棹小堂新竹尚
餘觴吳門汴市無千里應把并州作故鄉

寄贈司寇林公還山

徵書強逼上彤闈退食長吟望翠微漢室本緣三策

重都門真見二疏歸朝廷司寇元持法天下蒼生遠
拂衣趨陛履聲 皇念切夢魂能復五雲飛

謝南陵折贈牡丹十頭咸樓子重辦

王花折送出朱門國色俄臨處士村堆積實增春照
耀傳看直至日黃昏先掄上萼園詩卷已拚清香費
酒樽見說陳思才八斗洛陽真譜許同論

儀賓柳子以合懽芍藥見贈予自不識此花

而柳云種蒔數年惟今歲雙及春時柳病方愈
賓卿贈藥驚竒異共華蒂分葩號合懽入手自摩雙萼
嘆逢人恐當一花看並頭虛漫誇蓮蕊單辦還應壓

牡丹汝抱縣疴今幸愈和中天遣助平安

夏日上方寺追念舊遊寄以平陽王守前御史

伏天樓閣同遊地尊酒松林憶共携驄馬昨朝三極
北虎符俄剖萬山西人間散合由口高跡壁上風雲護
舊題出守次公元入相汾川應南六潁川齊

黃霸字次公

荅杭雙溪渡河見寄

藩公赴鎮東來日野老扶筇北望時貪墨似聞拋印
綬壺漿直見牙旌旗豫州河嶽元中土漢法封疆是
重司廿載別君今幸此柴門能倒故人卮

奉寄邃菴相公

徵書北闕朝朝下不見東山起謝安黃閣兩朝心自
赤蒼生四海淚曾乾雲霄桃李猶門徑歲月絲綸只
釣竿舟楫願公長好在風江日夜有波瀾

東庄冬日別謝行人

冬圃朋游菊半蕪風林互飲葉全鋪往來物理須霜
露離合人情豈路途乾綠冷紅難避眼剩香餘馥故
侵壺相逢莫漫憐修竹要識乾坤有碧梧

雙溪方伯夏初見過就飲石几留詩次韻

孤城春氣轉溫風石几閒門夏樹中遇客便移杯西
玩題詩今得故人同猶驚鳥動花紛落况值日斜

不空晚暮蒼茫萬里色賴君長劍倚崆峒

同賦

曹嘉

舅家石几何玲瓏瑶色金姿花樹叢拂玩自成今
日會扣歌真見古人風蒼烟野徑雙樽裏碧簟涼
雲小閣東獨喜館甥重有處百年吟卧此心同

三司諸公又有蓮池之約會雨阻不赴乃移

兵司東圃而飲爲詩以謝

西城宿雨天虛阻東圃微晴人竟游地闊儘容雲氣
入亭深能使樹香留尊前俊傑齊三府林下迂疎自
一丘勲業太平公等在故將高擡動南州

東庄再贈杭子兼呈其兄澤西年友

東郊日白無風沙羣飲送客遊琅琊到時定生常潤
草有時同醉歐亭花我今五十半潦倒君日高貴元
才華過鄉爲問澤西子老吟何處饒烟霞

乙酉除夕荅鄭生兄弟見贈之作

除夕天涯見客心連枝游子各悲吟徒將鬢雪疑青
鏡且把鄉梅託素琴海嶽催春潛天色水霜爭歲返
成陰吾家甕綠浮浮嫩兄弟能來秉燭斟

東庄謝臬司諸公携酒見過

白日餘紅亂撲衣郊亭無事坐花飛何緣五柳嘶驄

馬心有意羣公到竹扉過眼物華春自暮賞心朋輩老
應稀亦知不是談玄宅倘許頻來各醉歸

上方寺會監司諸公

梁園四月斗炎蒸眾飲松堂爽色疑天上樂聲僧梵
接掌中杯影塔雲層高情不使忙官奪野興常於勝
地增西海漸生歸路月上方無藉散花燈

東庄藩司諸公見過

少年湖海老中原萬里誰期共一尊邂逅路岐須盡
醉向來離合敢重論桑麻事業陶公徑鳥雀人情翟
氏門懶散廢書瓜可種夜來時雨足吾園

于公廟會王帥以其防秋北行

新晴借廟張金鼓舊約鋪筵集縉紳氣早冷隨雲雨
入地幽人與竹松隣時來拜命防秋將老去狂歌避
世身醉別贈君雙玉劔持將西北掃風塵

新秋宣威後堂會張鮑二帥晚過東園作

戟府臨秋氣自威林亭過雨日能輝但邀文士揮彤
管不願將軍試鐵衣雲濕白花籬槿重風搖朱果石
榴稀鸞弓欲看雙禽墮海闊天晴鴈不飛

酬聶監察淮上見寄

落木秋城動客哀急風胡鴈帶沙迴夷門合是投簪

淮海須馮惡攬轡才勳業壯心頻覽鏡暮雲詩句幾
登臺太微實與群星異已有光芒接上台

九日南陵送橙菊

朱門羨菊采先芳玉圃新橙摘早霜傳送滿盤真鬪
色分看隨手各矜香深憐便合移樽酌暫貯應須得
蟬嘗獨醉秋堂卧風物一年晴雨任重陽

亭上限韻作

片雲黑日熱轉添忽有飛雨來纖纖任情玉杯但一
美乘興彩毫時復拈角巾芒鞋客竟日燕舞花明風
滿簾垂頭人吏困自睡此地元非禮法嚴

送程生兼寄姑蘇五嶽黃山人

壓枝梅杏纍纍碧照眼櫻桃的的紅舟楫大江元晝
夜路岐初夏有西東淹留欲暮林間日行坐惟便竹
下風秋水一帆湖海上山傳雙鯉到吳中

寄水南子

孤雲晝陰董盆寺迴風夕電南神岡林木颼颼起新
色茅堂微微生嫩涼高人北牕枕書卧有酒誰與開
尊嘗鬱蒸殘暑不須人心雷雨時觀蒼龍翔

夏都諫勘鄴潞之戰惠見憶之作寄荅四首

廿年不入紫宸朝白髮猶能伴野樵敢向驂駟爭道

路因知鵬鷲自雲霄狂歌見月時呼酒懶性

寄與昔游青瑣客嶺雲溪雪記同招

二

焚草常懷杜拾遺從容退食梧垣遲人當名世汝其
輩國有中興今固時衰年丘園合潦倒大業竹帛能
留垂迢迢故人寸心在日日苦吟雙鬢知

三

侍臣斧鉞雲中下山寨冰霜戰後行穿腦乍攀黎賊
路石門重覽鄂王營中興崖石元留頌成筭朝廷敢
論兵試向絕巔看大海年來波爲聖人平

山岩堯上堂接壺關杖鉞冬行歷萬山巖凍雪埋擒虎
窟壑腥雲嫋斫龍灣嶰嶢路透漁樵入蒼蔚林清鳥
雀還爲問登高能賦者霜毫幾掃白雲間

熊監察至自河西喜而有贈

當年五郡乘輅過此日千城攬轡游封事幾騰天北
極籌邊真歷地西頭崑崙壯壓胡塵斷弱水清翻漢
月流若使巡行皆汝輩遠夷那繫廟堂憂

贈甥嘉生日

三月廿日生汝辰三十二迴全盛春流放一官今起

報難萬里昨歸身自從結髮朝明主每向彈冠論
古人努力無令悲老大鳳凰臺側有麒麟

哭王舍人昇

金門鐘動會千官野老騎驢戴鶡冠走問常州王內
舍昨朝客死漢長安悄然門巷賓朋絕迢遞家鄉行
路難即使過君終挂劍肯令捫腹竟回鞍

哭亾友范副使淵其族孫進士永鑿寄其絕

筆詩到

憶在先朝侍聖顏珮聲齊散紫宸班傷心畫省分官
地並馬西湖舊看山絕命秬傳詞爛熳竄身誰述路

空同集 卷三十一
間關江門墓近湘流咽拱木黃昏鳥雀還
有哀

漢陰丈人甘灌園海上漁翁非避喧零亂春鷗橫夕
浦萋迷烟草入秋原祗將華髮悲人世不使黃金怨
子孫思向桂山歌偃蹇月明天碧况聞猿

病甚與親友訣別遂爲絕筆

平生逸氣橫雲海一病侵冬歷夏秋小兒弄人古有
此君子知命今何憂親從江國迎醫返滿擬家園賦
雪遊載酒爲君何日起東原松竹翠修修

空同集卷第三十二

空同集卷第三十三

北郡李夢陽撰

七言律詩六十七首

小至

連年至日多暄暖不似今年暖更饒脉脉水泉元自
動微微雲物向人遙卽防臘意傳梅蕊更遣風光媚
柳條便可抽身解簪組且謀春事件漁樵

人日

翠篠娟娟暖不遲含風雪壁迥多姿烟霞弄色不忍
見梅柳爭春能幾時返照高樓橫欲飲宿雲孤樹靜

難移自傷消渴淹朱紱不拜金花到玉墀

穀日

人日穀日俱不惡悠悠天意豈難明得時田畯休空
喜少雪螟蝗恐旋生陶令柳陰元傍宅邵平瓜地故
依城載歌行路思農隱未信青山亦世情

丁卯小至

一冬爲客眉簷暄至日同雲客思繁迎氣柳梅渾欲
動再開桃李更何言飛沙霧竹催寒景落日鄉關切
斷猿獨上高臺眺雲物不堪清淚洒中原

戊辰生日

生還淹跡倚荒廬懶散經秋賦索居雙淚弟兄揮酒
日寸心關隴望鄉餘臘晴柳日輝輝動春逼河水滾
滾虛三十七年吾底事彈歌不爲食無魚

臘日

夷梁臘日春意動物色生態誰能禁歸烟霏霏梢竹
切融雪細細生苔深腐儒奔走竟何事鄉土棲遲多
苦心便欲乘閑買越舸青春發興好南尋

九日繁臺二首

窮秋避地兼逢節墻野無山且上臺江漢鴈驚番北
叫太行河斷却東來羈栖嘆世深難醉病起思鄉老

易催閏月有期還發興菊花晚暮莫愁開
禹廟登高人盡迴儒宮下馬盡殘杯奔陳孔甲元孤
憤去趙虞卿且未哀高葉下風還抱石片雲拖雨故
臨臺酒闌却憶十年事半醉呼鷹向此來

己巳守歲

窮年豈辦椒花頌守歲直貪竹葉杯天下風塵難卽
料夜中星斗直須迴傷心蜀漢新戎馬觸目中原半
草萊飲罷空庭聊獨立五更春角動城哀

辛未元夕雪後

干戈西北塵雖靜寇盜東南檄尚飛嘆世酒杯難自
強競時燈火况多違春偷草閣梅初放雪舞堤城柳
乍歸三白農人懽荷笠萬年天子願垂衣

初度懷玉山有感

年今四十身千里生日登臨寓此中憂國未收南望
淚思家猶阻北來鴻寒冬白霧峰巒隱車馬深山道
路通學海久傷青鬢改振衣真愧玉巖風

盱江小至

建昌冬至益王宮劔珮趨朝禮半同萬里龍顏貪想
像十年霜鬢歘西東臘偷江嶠梅先泄春逼關河鴈
已通雲物不遮鄉國目麻姑今擬暫停驄

九日衙齋對酒偶作

故鄉叢菊嘆離居客邸秋梅葉且舒四海重陽三滯
酒兩河歸鴈幾傳書拂衣欲就淵明里短髮猶驅孟
博車意遠遲回聊復酌浮雲北望佇踟躕

南康元夕

發春南地北同寒旅宿張燈雪氣殘三晉樓臺違夜
月五湖鷗鷺伴風湍真防柳色侵梅色苒道蟬冠勝
鶻冠匣劍衝星愁易泄倚筇還向斗牛看

楚山九日太華君同登

登高此日吾惟汝把酒他年憶菊時酒劇江山聊自
放菊深風雨爲誰遲謾於孔樂傷王賦莫遣將歸學
宋悲轉眼干戈西北異楚雲回首任支離

登高以雨留山寺

鐘鼓高城夜到山醉留真愛石堂閒傍龕燈伴吟猿
宿度澗風吹急雨還來笑菊花供老髮卧愁雲霧滿
人寰朝晴更擬諸峰賞萬仞丹梯合共攀

乙亥元日東臺省何邊二使君邊病卧久

烟和日翠且重樓洶洶綺羅悲此州碧草可容漳浦
卧官梅真憶廣陵遊來鴻去燕催今昔柏葉薇花阻
倡酬興發春山能約徃冰開仙楫擬乘流

乙亥元夕憶舊東邊子卧病不會

憶昔金錢並卜權稱心燈火獨長安鑪香欲散尚書
省環珮先歸太乙壇十載酒杯誼五夜九衢遊馬閱
千官蓬飛轉合今同此月滿梁園却自看

邊舊太常故
曰太乙壇

丙子冬至

奉天門下玉闌橋此日催班早侍朝占史奏雲懽萬
國太官傳宴散層霄苑梅迎律春先動宮柳臨風色
欲搖一出忽今驚十載百年勲業有漁樵

丙子生日荅田生

當時結客少年場走馬看花紫陌香三黜偶然齊柳
惠兩朝奚但有馮唐壽杯今夕余同醉獻賦開春爾
一方京國逢人問衰健爲言吾髮已蒼蒼

除夕寫懷呈毛使君

晝日淒淒風色嚴晚登雲閣漫開簾山河不逐年華
改天地空悲老髮添隨俗香燈消獨夜近人星斗下
虛簷微吟暗憶乘驄使綵筆迎春幾自拈

元夕宴三孫第

向夕虛廊風自驚嫩筵華月坐留情琴樓合與衣冠
客鐙榭遙聞歌吹聲吟劇晚梅聊索笑醉移寒竹互
尋盟九衢遮莫催車馬願倒王孫百甕清

丁丑除夕

明朝行年四十七默憶宦游年盛時帝京守歲朋輩
集除夜開堂殺酒隨綵筆迎春誰競長白頭懷舊獨
含悲乘陽莫謂渾無事冰泮黃河起釣絲

戊寅立春庭前桃樹二首

冬殘月閏豫看春暖氣晴陽應節新老大獨懷炙背
獻艱危竊慮轉蓬身下除饑鵲爭噉雪出穴微風特
傍人獨立桃葉憶桃日武陵今有泛花津

春日題春試彩毫高門傳菜玉盤高乍看旭日輝山
盡不分時風向砌桃虎豹雲移思霧雨魚龍冰動遲

雷濤物情且共天流轉人世誰曾免二毛

戊寅元日

閏臘逢元晷自長乍晴暄日趨年芳當階雪浥桃枝
透隔戶風傳竹氣香籠內乾坤吾獨放鏡中勲業鬢
先蒼北游春色隨龍輦生意何由即萬方

小至喜康狀元弟河路過齋其兄書見示

侵曉書雲雲四生向昏濛雨散孤城敲門怪爾關西
使匹馬緣誰淮上行板柳弄梅今日事望鄉懷友百
年情傳言且共陽回喜天意分明欲太平

九月七日夜集

此夜邀賓過草堂實因佳節重壺觴時侵叵柰鏡前
菊老去誰拋鏡裏霜草暗微寒催蟋蟀雲開片月下
滄浪明朝好趁登高伴木落天空望帝鄉

冬至前一日雪集

遽看風雪催長至旋具盤餐款近賓片片窺簾如避
酒霏霏點袂却隨人臺寒預發書雲興梅動猶潛隔
夜春醉裏白頭堪北望陽回黃屋且西巡

巳卯立春

律窮寒極有今日斗轉天迴還此春雪擁竹根旋自
濕風來人面霎堪親曾游舟楫思南國未返旌旗望
北辰漫惜物華番覆盞幾揮生菜欲沾巾

庚辰元日

今日何日陰霏霏看之不見濡人衣層冰滿眼祇突
兀白日何處能光輝單于祭馬春欲動漢皇射蛟南
未歸傳道揚州好花月鳳簫應伴五雲飛

元夕

千年爛熳熬山地少小看燈忽二毛兵後忍聞新樂
曲月前真愧舊宮袍南州樓閣烟花起北極風雲嶂
塞高悵望碧天聊獨立夜闌車馬尚滔滔

立春前一日雪東黃子

春前白雪紛紛至落地欲消還未消明日立春應五
出晚來微月尚爭飄梅花故傍素安室柳色潛回鄭
綮橋聞道郢人能妙曲曲成吾品亦鸞簫

辛巳立春

冬晴轉覺冰霜厲日散俄還海嶽春綵勝恩光曾侍
帝菜盤風俗謾隨人雪融樓閣沾沾薄烟動松筠裊
裊新人壽幾何吾半百到唇杯酒莫辭頻

辛巳元日

倏忽吾生五十春兩朝遺佚太平身望鄉心逐關雲
起懷國情將汴柳新自信右軍非墨客

王右軍五
十書始成

言高適是詩人

適年五
十始詩

南征昨報龍旗返佇想嵩呼

動紫宸

辛巳生日

吾今五十頭半霜大兒已壯孫已長力田頗自識草
木出門每與憂豺狼風晴野水白晶晶臘近山日寒
蒼蒼但能草澤射猛虎豈須熊館誇長楊

辛巳除夕遇立春

改元明日初開曆除夕今年暗入春天地漸分三極
色行藏已半百年身和烟浥浥梅應劇滴露蕭蕭竹
未勻喧歲不知宵遽曙北雲何處望楓宸

壬午元日

元年元日光華異青帝青陽左个開北斗不將天地
轉春風那使萬方回蛟龍窟宅寒猶閉鴻鴈雲霄暖
自來迴首玉顏慚大藥許身元擬是仙胎

癸未除夕

連冰累雪欺年暮除歲嚴風放夜晴挂斗拖星猶凍
色撞鐘擊鼓已春聲宣城車馬朝元客戰野旌旗禦
寇兵人事物華應遂轉燭堂深坐獨含情

丙戌九日

百年佳節今風雨數日東籬已菊花老疾不緣吹帽
短濕枝何事向尊斜紛披九徑憐楊子潦倒三杯笑
孟嘉欲補登高望晴色晚來紅氣有雲霞

九日浦江王水亭共泛二首

長廬古陂城一偏樓臺波水秋相鮮紫萸黃菊有今
日翠管銀箏須此筵微風改席徐回纜落日留賓更
進船漫說龍山能落帽何如李郭共登仙

君王別館湖中央菊日浮游錦纜香貪把深杯向蘆
葦錯教橫吹驚鴛鴦車徒雜沓四岬合殿閣洄沿一
水長萬古有人還此地他年吾輩是重陽

憶西南陂九日之泛

一游水亭心自牽沙色湖風常眼前蕩搖每疑菊在
把出沒似有鷗隨船冥冥浦澈幾落日蒼蒼蒹葭時
遠天頻來此地亦可借恨無好詩酬紫烟

再約陂泛屬風雨阻

自游此陂秋每晴再約寧知風夜驚紛披已詫黃葦
亂吞吐能禁白浪生朝來霧雨細細動時有鴻雁嘈
嘈鳴但問舟航今好在無愁天地無開明

九月晦日西南陂再泛二首

水國窮秋霽更寒渚宮重宴菊猶殘間身欲住張融
舸短髮羞敬杜甫冠日映樓臺天上過風恬魚鳥鏡

中看綠池莫戀團團竹即擬枚乘賦不難

水上冬初多白雲沙間烟滿白鷗羣經添雨雪湖非
減刈盡蒹葭路轉分當岼女牆晴倒出傍船木葉醉
低聞迴頭恐觸蛟龍蟄莫遣鳴笳徹暮曛

辛巳九日田子要東陂之遊兩弗克赴三首

今秋霖雨何連綿佳日阻放東陂船衰年實怯白頭
浪朋游忍負黃花天城陰來往戲羣鷺寺門從橫鳴
亂泉閒看靜聽誰共汝浙瀝晚暝松林烟

昨來晴立寺南丘城水湖雲向客流夕陽欲低鐘磬
閣隔岼忽聞簫鼓舟動興帆檣真爲節阻入風雨故

禁秋當籬蓋菊披披艷獨嗅孤吟迥自愁
衝泥杜甫吟愁雨落帽參軍醉倚風雲水無緣雙放
舸蒹葭何意獨鳴鴻清沙錦纜相期地白首黃花轉
望中借問臨高把杯酒幾層湖閣坐秋空

無事

無事日長春但眠水昏野暗風常顛繁葩亂並眼欲
盡乳燕啼鶯心自憐匣中幸猶有雙劔杖頭亦可無
百錢人生幾何忽已老激昂淚下如流泉

東園夏集

水館風林夏日宜野天晴色曠襟期舊馴麋鹿呦呦

切新集鳧鷖泛泛遲穿徑獨蜂猶覓蓋倚牆餘杏漫
留枝蟬鳴鳥亂從渠暮把酒看雲是我時

霖雨洶湧城市薄篔而行我廬高塏尚苦崩
塌何況黃子任居湫隘詩以問之

前日頻雨無完牆今番如注誰禁當田廬城屋盡漂
沒驕雲鷲霧還飛揚怕飢烏鴉只自噪滿意高糞如
人長辭宅頗恠晏嬰子卜居何必青泥坊

晏子宅迹
市湫隘景

公從之晏子不從杜
詩飯煮青泥坊底糞

正月望日繁臺寺集

臘凍雲黃海岳愁春青日白快吾游陰坡氣觸娟娟

雪暖澤水分細細流晨起探梅穿野寺晚來移席傍
鐘樓無端四望風烟起燈火煌煌滿汴州

夏日余園

夏日深林喧乳鴉名園游客散平沙百年事業真杯
酒四海朝廷正一家隊隊自來循檻蝶畚畚相學後
春花黃雲薄暮休驚眼白首吾生信有涯

田居喜雨

有田憂水復憂乾一雨農心得暫寬從此荷鋤添野
事向來垂釣省風湍臺林澤草俱回態急響微沾並
作寒薄暮斷虹收霹靂曠原西日倚筇看

秋遲

秋遲月閨菊無花景短天昏日易斜山峻幾時殲虎
豹海枯他日見龍蛇行藏且付杯中物潦倒新添鏡
裏華盜賊關南今定否暮暮雲哀角起三巴

獨上

獨上高樓生夕烟帝畿東望轉凄然西山雨雪留殘
景北海風塵接暮天只爲浮名傷遠道况逢寒日下
長川江梅岼柳年年發菊徑茅堂亦可憐

臺寺夏日

古臺高並鬱岩堯斷塔稜層鎖寂寥積雪洞門常慘

慘熱天松柏轉蕭蕭雲雷畫壁丹青壯神鬼虛堂世
代遙惆悵宋宮偏泯滅二靈哀怨不堪招

于少保廟

朱仙遺廟已沾衣少保新宮淚復揮金匱山河丹券
在玉門天地翠華歸平城豈合留高祖秦相何緣怨
岳飛最恠白頭梁父老哭裁松柏漸成圍

朱僊鎮

水廟飛沙白日陰古臺殘樹濁河深金牌痛哭班師
地鐵馬驅馳報主心入夜松杉雙鷺宿有時風雨一
龍吟經行墨客還詞賦南北淒涼自古今

春日謁三皇廟

爰從開闢無三聖蠢爾生民豈至今寂寞廟宮誰下
馬遲迴天地獨沾襟紫堦藥蔓還春色搖日叢蒼已
暮陰悵望龍髯心更苦白雲偏繫鼎湖心

吹臺春日古懷

廢苑迢迢入草萊百年懷古一登臺天留李杜詩篇
在地歷金元戰陣來流水浸城隋柳盡行宮爲寺汴
花開白頭吟望黃鸝暮孤子歌殘無限哀

自關西回展外史大夫之墓用前韻

遙阡無計掃春萊絮酒何因到夜臺西客兩年和淚

到北風千里共愁來
田園樹大身先葬
書畫樓成畫不開
歿後外孫今五尺
百年遺恨使人來

狄梁公寧州有廟

狄相昔爲州刺史
于今伏臘土人思
向來伊水瞻遺墓
此處羗民拜古祠
鸚鵡夢中天地轉
太行山上旆旌遲
稔知忠孝平生事
更讀希文萬古碑

靈武臺

環縣城邊靈武臺
肅宗曾此辟蒿萊
二儀高下皇輿建
三極西南玉璽來
衣白山人經國計
朔方孤將出羣才
可憐一代風雲際
不勸君王駕鶴迴

冬日象山書院

草踈葉黃沙出溪日
高南崦氣淒淒
人亡故國還祠廟
世異陰崕尚品題
鳥雀石林迎旆散
野狐風草怒人啼
昔賢名跡誰堪此
兩淚遙傷萬仞梯

象山書院同友

曉岬霜林出並驄
冬晴丹壑自含風
遺祠俎豆攀緣日
往事荆榛想像中
半凍岩泉和雨斷
實連山谷暗雲通
寒蘿更洗磨崕讀
迥立徘徊落葉紅

排律六首

閏九月繁臺酬寄常鄧州前御史兄

昨屬傳書寬遠憶側爲聞郡鮮憂襟他鄉病起逢秋色故國花香見客心三徑園庄常閉寂百年臺榭獨登臨天晴水散荆襄急雲合山色汝鄧深州縣黃堂非爾輩朝廷驄馬要人欽也知阜蓋熊羆軼不換烏臺獬豸簪盡道白公如白玉終然黃霸錫黃金微卿拜相他年事野老扶犁望傳霖

酬何子冬日懷西峰見寄

梁城積滯心煩婪遙憶西峰懷漢南絕頂宮居只自住緣崖捫葛與誰參北岡雪盛虛多阻南澗湍回今月潭更極杖桑長影接已徧弱水碧波涵猿啼虎嘯雖頗聒窈曲叢篁非可探轉盼紅輪忽西沒勸君福地且投簪

道逢熊豹鷹狗進貢

赤豹黃羆貢上方虞羅致爾自何鄉微軀亦被雕籠縛遠視猶聞寶絡香顯晦山林齊感激喧呼道路有輝光名鷹側目思翻掣細犬搔毛欲奮揚隨侍近收擎鵝校上林新起戲盧坊攫兔定蒙天一笑磔狐應使地難藏貢官馳馬塵埋面驛吏遭箠淚滿眶南海亦曾收翡翠西戎先已効羚羊白狼也產從遐域白雉猶勞獻越裳聖德從來及禽獸欲將恩渥示要荒

送明主事犒廣西軍便道耒陽迎母

七年重泛楚江舲五兩飄飄過洞庭諭蜀長卿元建
節平佗陸賈亦談經地從湘口分吳徼邑在衡陽對
軫星此去先過杜陵院與誰同上合江亭炎花瘴草
供行日徭唱夷歌引客聽鼯鼠晝啼諸峒黑野猩睛
語亂峰青蠻荆本自勤周旅南越終當繫漢庭荔浦
技窮甘釜益梧川兵接訛雷霆威餘虎豹藜藿采血
蹂鯨鯢水向腥俄喜御書頒內帑極知恩澤到重溟
免臨烏照誰非土陰慘陽舒各有靈巢屋羽毛春相
自洗天風一雨晝冥冥花明幕府頓張宴路出磨崖早

續銘馬援還朝銷意以馬驩傲世倚青萍蒼蒼百粵
悲南狩渺渺三湘吊獨醒夢渚鴈回書不滯武陵雲
起思俱停悲傷蕙草早追金勒點綴桃花惜玉瓶右道
朱絃無絕響詎應黃髮有遺刑司徒邦計遙憐汝粉
署爐香不可扃綵服便須隨綵鷁白頭同離白蘋汀
七夕邊馬二憲使許過繁臺別業不成輒用
七字句述我志懷

懶遊因病困蒙茸不獨炎天萬事慵七夕邀行齊踴
躍兩人羈絆阻迎逢大河平地濤長湧喬岳清秋霧
不封次第榮途俱懈豕迂踈故國且芙蓉壯夫激烈

悲遲暮執友團團喜去冬久避鳶肩優諫諍亟推經
笥貫中庸繁臺禹廟梁王榭古寺殘碑宋代松吾企
杜高名不及汝追枚馬涕何從虛疑豪俠輕朱亥實
被文章誤蔡邕憤起鐵椎心枉費曲終焦尾意還濃
不爭期約慚牛女恐使流傳笑駟蚤末俗但知張市
虎異時誰切辨衣蜂云吁世路聊三徑敢說天門尚
九重寵豈盡軒衛國鶴畫宜偏駭葉公龍菟園卜築
隣猿島茅屋昏晨節梵鐘修竹鴈池雖慘慘水花雲
葉固溶溶悔將朱紱拋漁艇誓住丹丘學老農爲底
回驄孤蟋蟀徒思臨沼共鰓鱖踟躕莫畏風沙眯吊
帶應愁輦路衝許過只須圖酪酏有談母遽及徽宗
五日蔡河廢津沈集

當年錦纜帝王州此日荒津競渡遊賓客未銷柔苑
氣江山聊寫汨羅愁流金赤日偏輸浪似蓋輕雲故
翼舟魚聽歌鐘沈復躍燕窺舞袖去還留調水
佳人並斷艾分蒲上客酬出溜只疑天上轉
在鏡中浮陰陰暝色鳥鷺弄嫋嫋風香杜若洲醉裏
驚聞催住棹別船追進夕筵羞

同本集卷之三

空同集卷之三

空同集卷之三

空同集卷之三

空同集卷之三

空同集卷之三

空同集卷之三



